

Seminar Pembangunan Mapan Sumber Hutan di Sabah

KOTA KINABALU 26 April — Institut Kajian Pembangunan Sabah (IDS) dan Universiti Malaysia Sabah (UMS) akan menganjurkan seminar dan bengkel mengenai 'Penggunaan Mapan Sumber Hutan' selama dua hari bermula 4 Mei ini.

Menurut Pengarah Eksekutif IDS, Dr. Moh Yaacob Johari, seminar serta bengkel tersebut bertujuan menilai kedudukan sumber-sumber bukan berasaskan kayu (NTFPs) di Sabah serta menimbulkan minat dan kesedaran di kalangan

sektor awam serta swasta mengenai potensi membangunkan NTFPs.

"Selain itu, seminar serta bengkel ini juga bertujuan mengenal pasti isu-isu dan cabaran dalam membangunkan NTFPs di negeri ini," katanya dalam satu kenyataan.

Katanya, konservasi dan penggunaan mapan biodiversiti seharusnya diberi perhatian serius memandangkan isu-isu alam sekitar menjadi semakin mendasak dalam keadaan ekonomi sekarang.